

Prof. dr. Ilvana Hasanbegović

Rođena u Sarajevu, Ilvana Hasanbegović je diplomirala na Medicinskom fakultetu Univerziteta u Sarajevu 2002. godine, gdje je i magistrirala 2005. godine. Doktorirala je na Katedri za Anatomiju čovjeka Medicinskog fakulteta u Sarajevu 2010. godine. Na istoj Katedri radi od 2002. godine kao asistent (2002.-2007.), viši asistent (2007.-2011.), docent (2011.-2016.), vanredni profesor (2016.-2021.) te redovni profesor (2021.-) u nastavi iz predmeta Anatomija čovjeka1., Anatomija čovjeka 2., Neuroanatomija, Primjenjena anatomija zdjelice i to za studente dodiplomce koji studiraju na nacionalnom i na engleskom jeziku.

Uključena je u nastavu na doktoralnom studiju kroz izborni predmet Regionalna anestezija. Izvodila je nastavu na Fakultetu zdravstvenih studija, a trenutno izvodi nastavu iz predmeta Anatomija čovjeka 1. i 2. na Stomatološkom fakultetu.

Usavršavala se na Medicinskom fakultetu u Ljubljani - Slovenia, Facultat de Medicina Universitat de Barcelona - Spain, Katholieke Universiteit Leuven - Belgium. Područje naučnog interesa prof. Hasanbegović su anatomija i histologija perifernih nerava, periferne nervne blokade, dinamika aplikacija lokalnih anestetika u toku perifernih nervnih blokada, neurotoksični učinak lokalnih anestetika, mehanizmi ozljede perifernih nerava, te prevencija istih. Iz ovih područja objavila je 53 naučno-istraživačka rada citiranih 934 puta, kao i 37 kongresnih saopštenja osvojivši pritom tri puta prvu nagradu (Orlando, Kairo, Toronto).

U periodu 2013.-2017. godine bila je član Odbora za međunarodnu saradnju. U dva navrata bila je gostujući predavač po pozivu na univerzitetu u inostranstvu (Barcelona, Leuven).

Autorica je dva fakultetska recenzirana udžbenika, te koautorica tri strana univerzitetska udžbenika. Učesnik je 11 naučno-istraživačkih projekata, od čega sedam domaćih, a četiri internacionalna (COST CA 20124, NYSORA, COST CA16125, KU Leuven, Slovenian Ministry of education).

Recenzent je knjiga i naučnih radova. Mentor je brojnih diplomskih (završnih) radova, te jedne magistarske i doktorske disertacije. Učesnik je brojnih seminara, simpozija, radionica i kurseva. Aktivno govori engleski i italijanski jezik.